

瀘谿縣志卷四

風俗志

呂應元秀水溝記瀘陽疊嶂帷列縈水帶環土產其閒者類多腹飽經史價壓魁傑

李子高樂土說士雅尚詩書嚴氣節

林繼和志序蘊山川磅礴之氣三代遺直尚存人閒

石文器志序山多水少風俗質樸意氣尚矜比閭族黨閒殊不相下然畏法多敬重學者

童子入學授以易讀之書督以識字艷之以科第而小學諸儀皆在所後既識字授以四子書質美者兼讀註四書畢則講貫繼以五經或十三經視其質讀制藝外兼及詩

瀘谿縣志

卷四 風俗

古文勤者以餘力習行楷書

瀘介眾山中氣早寒播植恐後民皆竭蹶農事耕耘刈穫伺星審時培溉不一其功

田植早稻曰早田晚稻曰晚田早田之沃者可兩穫其次亦於早穫後蒔麥豆油菜蕎麥菘菘之屬晚田則不論肥磽收穫後不能蒔雜糧

俗尚冬耕冬閒多野燒以糞田春則取草茂木芽踏入泥中謂之打菴近又冬種紅花草至春深長尺餘取以入田爲功尤倍

瀘地少桑女子不事蠶惟紡績絲花苧麻以成布兼織帶作履或刺繡佩囊至貧家則采茶饁餉治園蔬故俗多勤

儉少惰淫

瀘邑山高不利車無爲車者河小不通舟無爲舟者竹木金石器物皆適用惟陶器陋地多竹近山之家造紙爲業邑無大商往時人皆重去其鄉今閒有遠歷者紙商獲資稍贏他皆蠅頭也賈則城市鄉民無大貲亦無重息故瀘民多貧

飲食尙儉非宴客鮮設酒肴衣服縣麻布多自織羅綺輕裘惟富貴家有之然亦不常服

冠禮久廢近時士夫家閒有行者

昏禮納采問名納吉納徵請期皆有古禮遺意惟成婚之日婿不往奠鴈惟用鼓吹肩輿以迎婦輿既至婿揖以入

瀘縣志

卷四 風俗

二

上堂交拜人房行合巹禮親黨咸往賀次日夫婦拜其父母舅姑三日行廟見禮亦有次日廟見者親串尊行有所饋遺謂之拜見禮

喪禮始死焚紙錠小斂大斂以一日行之既斂成服五服人各以其服親友皆以楮鏹香帛來弔自七日至七七日止俱設奠作佛事亦有守禮不用僧道者將葬設祭親友來賻奠主人以帛答之稱家有無及發柩用鼓吹親戚咸送祀本山神關壙下棺加封樹焉然必豫延堪輿家採山擇吉日而後行否則權就高燥土淺厝獲吉地始遷葬

世家巨族率有祠士庶家亦建祠堂祀始祖以下各主有祀無祧族繁或各爲其支祖立祠祀其支祖以下各主

又或爲其祖父立耑祠皆有祭田以供禮事每歲清明長
至日咸致祭畢子姓會食猶不失合敬同愛之意

元旦男女夙興各整服拜天地祖先畢序拜尊長然後與
族親鄰里交賀謂之拜年月內鄉鄰日設春酒爲慶新年
立春以句芒神土牛身首色占歲之晴雨豐歉

元宵人家各張燈燭好事者或扮人物故事雜以紙燈徧
行近邨以聚觀

驚蟄以秫穀投焦釜爆之以花而姍者吉

花朝人家多行昏禮倣古仲春冰泮會男女之意

春分先後數日分移各種花木

社日邨堡釀錢爲會於社廟以祈穀

瀘谿縣志

卷四 風俗

三

寒食掃墓插竹於冢挂以紙錢

清明各具牲醪餈餅祭祖先墓謂之醮墳至穀雨乃止
穀雨採茶謂之穀雨茶

四月八日爲佛誕農家侵晨放牛食露草不使耕田

端午屆午以葛艾菖蒲懸門啖角黍飲雄黃酒小兒將菖
蒲葉繫腰能辟邪

六月六日家晒衣服書籍以去蟲蝨

七夕以瓜果薦牛女刺繡者亦偕女伴乞巧

中元俗謂鬼節家設酒肴新菜祀其先至夜多焚楮錢於
路以濟孤亾

中秋具茶果賞月親友以月餅相餽遺

九日登高亦有放風箏者

十月初十為酒生日多於是日釀酒謂之十月生又名十月油

冬至先夜於祠堂設燈燭坐守黎明大會族姓祭始祖頒胙飲酒抵莫而散

臘月二十四日為小年以是日祀竈

除夕換門帖貼門神或書神荼鬱壘及宜春字抵莫祀神祇先祖謂之還年福合家環坐飲酒謂之團歲或圍爐夜坐達旦謂之守歲

物產

穀之屬瀘邑土宜所種晚稻多早稻少早稻春社日浸種

瀘縣縣志

卷四 風俗

四

能貯臘雪水浸可避蟲患且耐乾蒔於立夏前後秋前先熟有五十日早六十日早金穀早撫州早大穀早細穀早芒中黏光頭紅百日黏芒花早又名八月白烏蟬早青秈黏黃秈黏柳條黏又名運糧黏糧米白野禾白麻殼白野禾紅冷水紅大葉烏麻田黏烏穀黏三朝齊黏禾糯又名秋裏糯魚子糯白殼糯紅殼糯羊鬚糯

麥之屬有大麥小麥紅麥十月種四月收又莖麥七月種十月收

粟之屬有小米粟黏糯二種狗尾粟雞脚粟又蘆粟即高粱

菽之屬有田豆膳豆黑白黃青四種山豆大於田豆豇豆

四月種六月熟菜豆赤豆飯豆有白藍紫三色羊眼豆虎瓜豆扁豆刀豆

蔬之屬有芥菜白菜葵菜莧菜蕪菜赤根菜油菜蘿苜菜苦蕒若蓬蒿芭同蒿芫荽芹薺葱蒜韭薤

麻之屬有豫乾水二種薑藜形似薑八月白藜甘諸俗名番薯紅白二色脚板薯以形名精薯山藥王瓜苦瓜南瓜西瓜東瓜絲瓜瓠瓜入棱瓜瓠瓠籐笋春冬季生菰有各種縑之屬鱖花畚地多栽亦或栽于田塍羣賴衣被苧麻俗謂之泉有頭麻二麻三麻夏布賴之火麻則爲繩

果之屬有梅桃李郁李楊梅櫻桃葡萄菓菓石榴梧桐銀杏又名白果橘柚橙金柑金豆柿棗苦楝栲栳棗梨蓮藕

瀘谿縣志

卷四 物產

五

慈姑苧薺枇杷大栗才栗

木之屬有松柏楓杉 榿柞桑茶楊柳樟樺楮榆櫻桐椿檉冬青烏桕阜筴虎刺 黃楊茶又名檜有二種均可榨油竹之屬有貓竹可造紙苦竹實竹簍竹白竹黃竹紫竹斑竹老人竹鳳尾竹

花之屬有梅桃李桂茶海棠牡丹紫荊紫薇蠟梅芸香繡毬芙蓉梔子瑞香蘭蓮萱鞠芍藥百合玉簪鳳仙雞冠剪春羅剪秋紗洛陽花俗名錦邊欄水木穉長春花二至花蜀葵黃蜀葵錢葵水粉花夜落金錢月季薔薇棣棠野薔薇縹絲花七姊妹鐵線蓮

草之屬有薇蕨蓼藜蒿艾菅茅鴨蹠鼠耳鳳尾龍須蒲盧

積雪斷腸回生黑斗書帶萍苔浮萍水荇邊草席草

藥之屬有香附芎藭香茹梔子前胡伏苓黃精烏藥石菖蒲
蒲鉤藤甘菊生地益母車前夏枯半夏何首烏南星葶麻
稀薺小茴五加皮金銀花木賊花椒茺蔚阜角荆子旋覆
花金櫻子蒼耳子女貞子覆盆子射干山查麥芽結梗茵
陳葛根蘇梗艾葉石斛土名倒吊蘭

毛之屬有牛羊猪狗貓鼠虎豹豺狼麋鹿兔鹿山牛山羊
野猪豪猪獾子竹狸猴豪鼠咬雞狐九尾狐果子狸挖獾
狸山黃狗黃鼠狼獾

羽之屬有雞鵝鴨鳥鴨鴿燕雀喜鵲腦鴉慈烏巧婦鶻鴉
尸鳩雉鷹倉庚春令畫眉杜鵑啄木竹雞鷓鴣翡翠鷺鷥

瀘谿縣志

卷四 物產

錦雞白鷓鴣黃頭鐵嘴鴉鷓鴣山和尚

鱗介之屬有鯉鮓鱖鱉鱒鱣赤眼鰻口鯽鰻蝦鰕鱔龜
鼈蛤蚌鱗鯉鱗如魚入藥為穿山甲

蟲之屬有螻蛄蝸牛蝨魚烏蟬蚊蠅蚤蝨蛆蚱蜢蛇虺
蜈蚣蜥蜴蠍蠅蠊蠓蜘蛛蟋蟀斯螽伊威蠨蛸熠燿螻蛄
蚰蟻羌螂斑貓水蛭蜻蜒蠨蠨尺蠖蜂蝶百足蟬蚱蝻絡
緯壁錢竈馬木鼈蟻虎蛆蟲水划虫

貨之屬有黑白石灰竹木冬筍片苧麻茶葉連七紙西河
紙牛舌紙木炭百合粉茶油菜油烟葉籩葉靛青

造紙法附

四月小滿後筍高成竹解籜生枝乘嫩砍線青皮剉三尺

許長去節劈兩指大名為竹筴趁新鮮色白縛四小束挑
放窖內水漬一層竹筴一層石灰淹月餘就窖內洗淨灰
泥置窖筴上越三日掃清原窖下墊小樹分格將筴疊積
復漬以水謂之粉料四旬料熟取放石臼或碓舂或脚踹
爛如糝粉傾入木槽二人用小竹連翻互掉與水溶化預
辦黏藥浸水勻定竹削小絲綴為簾木柵筐下托兩手掘
於槽水互盪脫木板上積二尺許移就木架二板夾束上
置一橫梁頭以纜纏下連圓机木棍入盤中緩急遞絞水
乾無滲為密室中焙長丈餘四面灰壁光滑中空燒火令
熱小鉗爪出其角托起貼熱焙上烘乾方得成紙其有本
境固販候時廢居外商多憑金谿破江行家牙人每乘急
惟鄉曲之有才具者善為調停則得矣

造茶法附

三月穀雨前採最嫩者一葉一槍攤乾為白毫穀雨後葉
漸粗另造作青庄紅庄二種青者用鍋燒熟入葉炒之乘
熱搓揉炭火焙乾泡色淡而香味較勝紅者用篾墊曝太
陽中卽搓挪成条晒乾泡汁深紅可以貨賣摘茶以四月
為頭春五月為二春八月為三春時候不一而多寡亦殊